



Amt für Kultur
Uffizi da cultura
Ufficio della cultura

Agiunta Museum retic

Elavuraziun d'in catalog online per la collecziun dals bains culturals en il museum retic

Il museum retic ha cataloghisà digitalmain – en il rom dal punct central da svilup – parts impurtantas da sia collecziun ed ha preschentà quellas parts en in catalog online a la publicitad.

La collecziun dal museum retic cumpiglia circa 100 000 objects principalmain istorics e da la cultura populara. La cataloghisaziun da quests objects che sa chattavan en las exposiziuns u en il local da protecziun dals bains culturals, vegn fatga en ina banca da datas interna. In catalog online ch'è vegnì elavurà en il rom dal punct central da svilup, permetta ussa per l'emprima giada ad ina vasta publicitad da prender invista da questas unitads da datas. A perscrutadras e perscrutaders facilitescha el la lavur, saja quai cur ch'ellas ed els preparan exposiziuns u consulteschan maletgs concrets. Ultra da quai serva il catalog online sco vitrina digitala da la collecziun: El envida tut las personas interessadas da svutrar e da scuvrir.

En il catalog online figureschan sco emprim trais secturs spezialmain desiderads da la collecziun: graficas, textilias e numismatica. Fitg dumandadas èn cunzunt las vistas topograficas dal museum retic. Cun elavurar il catalog online èn vegnidas actualisadas numerusas unitads da datas, èn vegnids fotografads digitalmain blers objects e, nua che quai fascheva da basegn, è er vegnida meglierada la magasinaziun fisica. Il mument pon vegnir consultadas online passa 13 000 unitads da datas. Quest dumber vegn a s'augmentar onn per onn.

Infurmaziuns:

Andrea Kauer Loens, directura dal museum retic, tel. 081 257 48 21, e-mail
Andrea.Kauer@rm.gr.ch

Gremi: museum retic
Funtauna: rg museum retic